

嶺海名勝記（二）

（明）郭棐編

嶺海名勝記 (二)

(明) 郭棐編



圖書在版編目 (CIP) 數據

嶺海名勝記：全 6 冊 / (明) 郭棐編。—桂林：
廣西師範大學出版社，2015.4

(西樵歷史文化文獻叢書)

ISBN 978-7-5495-6375-3

I. ①嶺… II. ①郭… III. ①名勝古迹—介
紹—廣東省 IV. ①K928.706.5

中國版本圖書館 CIP 數據核字 (2015) 第 029588 號

廣西師範大學出版社出版發行

(廣西桂林市中華路 22 號 郵政編碼：541001)
(網址：<http://www.bbtpress.com>)

出版人：何林夏

全國新華書店經銷

廣西大華印刷有限公司印刷

(廣西南寧市高新區科園大道 62 號 郵政編碼：530007)

開本：890 mm × 1 240 mm 1/32

印張：84.75 字數：660 千字

2015 年 4 月第 1 版 2015 年 4 月第 1 次印刷

定價：288.00 元 (全六冊)

如發現印裝質量問題，影響閱讀，請與印刷廠聯繫調換。

總目

| | | |
|-----|-------------------|--|
| 一 | 評介 | |
| 一七 | 嶺海名勝記（南州書樓藏明刻本）書影 | |
| 一九 | 王學曾序 | |
| 三三 | 原刊本目錄 | |
| 三七 | 嶺海名勝全圖 | |
| 三九 | 卷之一 粵會記 | |
| 一八九 | 卷之二 粵秀山記 | |
| 二八七 | 卷之三 五仙觀記 | |
| 三四九 | 卷之四 白雲山記 | |
| 四五三 | 卷之五 蒲澗記 | |
| 五〇五 | 卷之六 浮丘記 | |
| 六三三 | 卷之七 海珠記 | |

八〇九 卷之八 石門記

二六二一

附錄一 《嶺海名勝記》 各處名勝分布地圖

八五七 卷之九 靈洲山記

二六二三

附錄二 《嶺海名勝記》 卷十三文類一覽表

一〇〇三 卷之十 南海廟記

二六二四

附錄三 《嶺海名勝記》 卷十三詩類一覽表

一一一七 卷之十一 峽山記

一三五九 卷之十二 羅浮山記

一六一九 卷之十三 西樵山記

一七九七 卷之十四 曹溪記

一九〇五 卷之十五 梅嶺記

一九六五 卷之十六 崧臺石室記

二一七五 卷之十七 韓山祠記

二二三五 卷之十八 鶴峰記

二三五二 卷之十九 厓山記

二五〇一 卷之二十 南溟奇甸記

嶺海名勝記卷之五

粵南郭棊篤周甫編

蒲澗記

謹按蒲澗在白雲東北五里舊志言澗中多几節菖蒲其巔有飛昇臺世傳安期生採菖蒲服食之以七月二十五日於此上昇先一日語其徒李少君曰我被玄洲之召當行屆期果有龍虎導從數百來迎其詳見本傳中郡人每歲是日多往澗中沐浴以祈霞舉豈其然乎夫紫霞

丹府非凡境也修真煉性非凡功也自安期飛
昇後唯釋川接履仙蹤何可容易談耶今其地
有碧虛觀其前有煉丹井六陽為滴水岩下有
簾泉水皆甘美飲之有金石氣其匯為流杯池
自澗折而出為文溪水注于秀山之麓左為菊
湖右為越溪至北山下為甘溪靜靜水吳刺史
陸胤唐節度使盧鈞先後疏濬以利于民後
南漢引之為流杯池上為避暑亭稱勝槩矣又
七十里為月溪寺境亦幽寂為蒲澗佐云

文類

安期生傳

安期生者瑯琊阜鄉人賣菜東海邊時人皆言千
歲翁秦始皇帝東遊請見與語三日三夜乃異之
賜金璧度數千萬出阜鄉亭皆置而去以赤玉舄
一鞞為報曰後數年求我於蓬萊山始皇帝即遣
徐市盧生等數百人入海未至蓬萊山輒遇風波
而還立祠阜鄉亭海邊十數處云齊人李少君自
言少好道入泰山採藥脩絕穀遯世全身之術道

未成而病困於山林中遇 期生叩頭乞活安期
生憫其有至心而被病當死乃與神樓散一七服
之即起少君於是求給奴役師事之遂將少君東
至赤城南之羅浮北至太行西遊玉門周流五岳
往返江川者數十年一旦告曰我被玄洲召即日
當行汝木應隨今當捨去也頃更有乘龍虎導數
百人來迎安期生乘羽車昇天少君遂還臨淄市
壽數百歲相傳蓬萊山三島浮山其一也安期生
在羅浮時嘗采潤中芎藭服之至今故老指芎藭

澗石飛昇處晉郭元祖列仙傳贊寥寥安期虛質
高清算光適性保氣延生聊娛秦始遺寶阜亭將
遊蓬萊絕影清冷

景泰禪師傳

景泰禪師頭陀僧也不知何許人初羅浮未有僧
大同中師始駐錫誅茅為庵於小石樓下居焉師
甚有功行善為偈頌頗有道術役使鬼物當居山
頂池上池有蔬葉師曰此泉當與人境通因書偈
投於水偈出廣州王氏池因捨其地為寺號曰

王園寺廣州刺史蕭譽每與語朝遊南海暮宿
羅浮時謂聖僧始至山中其徒以無水難之師笑
而不答已而卓錫于地泉湧數尺流汲不竭人號
為卓錫泉譽因建寺於庵所題曰南樓寺師嘗說
法有龍來聽人號其處為龍王坑又於阿耨池東
建塔曰凌雲又造阿耨王塔三十二所師嘗引虎
豹以負瓶鉢入定而逝又大同中有曇裕者內道
場沙門也武帝謂釋迦有真舍利八萬四千散在
詳方遣師東來求之盡得其實重載而歸師願言

此刹有詔許焉仍分舍利造塔則之

重脩景泰寺記

黃諫

佛寺古無之九寺乃古官也鴻臚則九寺之一至漢佛始入中國白馬馱經止此而佛舍遂以寺名廣州景泰寺在城北二十里之雲峰上始建於此禪師不知何許人初駐羅浮蕭答刺廣州聞其名召與語異之以此山乃郡之福地遂留住焉北開山得石履古鏡各一因山無泉師乃卓錫寺傍而泉湧出復得石鱗二俱留寺中靈跡之異如此宋

紹興中值暴雨寺圯因葺舊址得銅鍾一枚之乃
唐天寶時所鑄則是寺乃隋及唐時建宋因之元
季毀于兵入 國朝時有僧居之永樂初釋坦菴
集瞻寺田園所入欲謀重建未果而坦公示寂先
期屬令住持德存曰嗣吾志者在于勉之存與上
足弟子德彝明顯任其事乃請于鎮守廣東左少
監阮公能奉御杜公喬總督兩廣軍務左都御史
馬公昂廣東都指揮使胡公英咸出俸貲以助正
統十三年冬肇工於土中復得石螭一枚首建正

殿渾金粧塑觀音大士十八羅漢造麼六祖阿難
迦葉於其中次起兩廡山門塑護法金剛像次法
堂方丈悉皆完美煥然重新次用石甃行逕自山
門至府君廟前以丈計者一千五百八十以石計
者若干萬以工計者八百日蓋又郡之檀越所施
也阮公復出錢若干命存作亭雲峯即今廣趣亭
是已明年落成又十年予來判是郡存述始末來
告請文刻諸石庶後來有攷也按郡志山下有康
輿之舊隱曰順閣李昴英築軒其傍曰文溪小隱

而其迹漫不可見是寺屢廢屢興又復盛於今者豈以佛之力可恃而然抑係人心所趨也惟民生厚因物有廷導以所習之善惡則難曉諭以生死輪迴之善惡則易時有變遷而是教不廢信有由然常觀先正諸公為遺後無窮計徃徃捨所居室為僧寺豈以所好若爾抑必有見焉夫然故知是寺興廢係人所趨而又在主是寺者有人也德澤之勤於脩葺可嘉也夫庸記之石俾繼是脩考有

卷之三

詩類

五言古詩

別南海賓化侯

陳江 摠

石門通越井蒲澗邇靈洲此地何遼夔群英亟遠
遊高才袁彥伯令譽許文休於焉值君子復此映
芳猷嶠函當險澁星瑄再還周分歧泣世道念別
傷邊秋斷山時結霧平海若無流驚鷺一群起哀
猿數處愁是日送歸客為情自可求終謝能鳴鴈
還同不繫舟其如江海泣凋辰徒離憂

題蒲澗讀書處

明黃哲

編茅臨巨壑伐木憇幽巖携琴初陟澗投冊靜窺
潭麗澤方求益知人諧所耽靈芬遙可挹淵物坐
能探野褐同朝誦霜猿聞夜談董幃涼結蕙管榻
潤霏嵐予志在山水宜從雲外參

題安期生

王漸逵

安期遠避世採藥不再回騎鶴入白雲九童為之
開秦皇徒朽質漢武非仙才靈蹤竟玄秘方士空

疑寺